



# ENTROIDO 2018

Bases de Participación no Desfile - Concurso de Comparsas & Grupos

Luns 12 de febreiro de 2018 ás 17:30 h



PRIMEIRA					OBJECTO					
<p>O obxecto destas Bases é a convocatoria dun concurso entre comparsas e grupos de Entroido no municipio de Tui.</p> <p>O Excmo. Concello de Tui, a través da súa Concellería de Cultura, Patrimonio e Medio Ambiente convoca o Desfile – Concurso de Comparsas &amp; Grupos, que se realizará dentro das actividades do Entroido 2018 na cidade de Tui, o luns 12 de febreiro ás 17:30h, festivo local na nosa cidade.</p> <p>En caso de suspensión por choiva, terá lugar como única opción o domingo 25 de febreiro ás 17:30h.</p>										
SEGUNDA					INSCRICIÓN					
<p>A inscrición farase o martes 6 de febreiro, en horario de 09:00h a 14:00h, por rexistro de entrada, no dpto. de Secretaría do Concello de Tui, en impresos normalizados.</p> <p>Limitase a participación ás 20 primeiras comparsas e os 5 primeiros grupos inscritos, coa excepción que nunca unha comparsa ou grupo de Tui quedará fóra do concurso.</p> <p>No intre de formalizar a inscrición (segundo impreso normalizado) é obrigatorio a presentación da seguinte documentación, senón non será admitida a solicitude:</p> <ul style="list-style-type: none"> <li>- Copia do C.I.F da asociación participante.</li> <li>- Copia do nomeamento da xunta directiva do libro de actas da asociación.</li> <li>- Copia do D.N.I do presidente da asociación.</li> </ul>										
TERCEIRA					MODALIDADES					
<p><b>COMPARSAS:</b> requírese un mínimo de 25 persoas disfrazadas en conxunto ata un máximo indefinido.</p> <p><b>GRUPOS:</b> requírese un mínimo de 10 persoas disfrazadas en conxunto ata un máximo de 20 persoas.</p> <p>Ámbalas dúas modalidades competirán xuntamente nas diferentes categorías que levan compensación económica como premio no concurso que rexen estas Bases.</p>										
CUARTA					XURADO					
<p>O xurado estará formado por 6 membros de asociacións tudenses, 4 cidadáns tudenses e 2 traballadores do Concello, e estará presidido polo Concelleiro de Cultura.</p>										
QUINTA					CRITERIOS DE VALORACIÓN					
<p>Terase en conta coma méritos na valoración do <b>Premio Xeral: Actualidade</b> (presente, novidade), <b>Vestuario</b> (roupa), <b>Parodia</b> (interpretación, sátira, sarcasmo, crítica) <b>Acompañamento Musical</b> (música en vivo e animación musical creada en directo) e <b>Carroza</b> (ou elementos construídos. [Medidas máximas: altura: 4m - ancho 3m - largo 12m]).</p> <p>O baremo de puntuación é de 0 a 6 en cada mérito, así coma no premio de <b>Fantasia</b> (vestuario, coreografía), mentres que en A. Musical será de 0 a 3 puntos, máximo.</p> <p>O xurado ten liberdade absoluta para xulgar aos participantes nas diferentes modalidades a concurso e, en consecuencia conceder os premios e fixos que establecen estas bases. En todo caso, pode declarar deserto un ou varios premios, así coma, diminuir a contía dos fixos outorgados pola participación, no caso de falta de méritos de valoración claros e específicos, como de dificultade, orixinalidade, ou calidade, así como pola non participación do 50% total dos integrantes no Enterro do Bacallau, ou asistencia tardía ao mesmo, ou ao Desfile, ou calquera circunstancia que sexa motivo de penalización.</p> <p>O Xurado unha vez finalizado o Desfile redactará unha Acta de Escrutinio, na que se recollerán os premios outorgados a cada participante no concurso segundo estipulan estas Bases, como os designados desertos; así mesmo, unha vez finalizado o Entroido se redactará unha Acta de Participación, que recollerá as cantidades económicas fixas por participación. Ambas Actas se enviarán a cada participante unha vez finalizadas as actividades enmarcadas nestas Bases.</p>										
SEXTA					PREMIOS E FIXOS					
PREMIOS	XERAL PARODIA	CARROZAS	A. MUSICAL	XERAL FANTASIA		FIXOS	COMPARSAS TUDENSES	COMPARSAS FORÁNEAS	GRUPOS TUDENSES	GRUPOS FORÁNEOS
1º trofeo +	700 €	400 €	300 €	250 €						
2º trofeo +	600 €	350 €	250 €							
3º trofeo +	500 €	300 €	200 €			CON CARROZA	500 €	250 €	200 €	100 €
4º trofeo +	400 €	250 €	150 €							
5º trofeo +	300 €	200 €								
6º trofeo +	200 €	150 €				SEN CARROZA	250 €	125 €	100 €	50 €
7º trofeo +	100 €									
<p>No Desfile – Concurso de Entroido 2018 repartiranse 5.600 € en 18 premios de catro categorías, así como, 18 trofeos valorados en 400 €, e reservaranse 11.000 € como fixos por participación, cifra máxima establecida no caso de que todos os inscritos foran de Tui e concorreran con carroza.</p> <p>Unha vez enviadas as Actas de Escrutinio e Participación, requirirase a seguinte documentación para o cobro dos premios, así como para o cobro dos fixos cuxa factura se presentará a través de FAcE (o código DIR3 do Concello de Tui en FAcE é: L01360558), plataforma de facturación electrónica na que se debe achegar a dita documentación :</p> <ul style="list-style-type: none"> <li>- Certificado de código conta cliente da asociación inscrita.</li> <li>- Declaración responsable de atoparse ao corrente das obrigas tributarias e da seguridade social, segundo impreso normalizado.</li> <li>- Declaración responsable da exención do I.V.E., se fóra o caso, segundo impreso normalizado.</li> <li>- Certificado de estar ó corrente nas obrigacións da Seguridade Social.</li> <li>- Certificado da Axencia Estatal de Administración Tributaria de atoparse ó corrente das súas obrigas tributarias. (segundo a Ley de Contratos do Sector Público, e con unha validez de 6 meses)</li> <li>- Certificado de deudas da Axencia Tributaria de Galicia. (segundo a Ley de Contratos do Sector Público, e con unha validez de 6 meses)</li> </ul>										
SÉTIMA					PERCORRIDO					
<p>A concentración de participantes farase o luns 12 de febreiro de 15:45h a 17:15h no tramo final da rúa Casal Aboy e rúa A Guarda, accedendo obrigatoriamente pola intersección da Avenida da Concordia coa Rúa Maristas e logo pola rúa Ourense, colocándose en orde para a saída que será ás 17:30h.</p> <p>O percorrido será por un circuito pechado ao tráfico polas rúas Casal Aboy, Compostela, Betanzos, Irmáns Maristas, Ourense e A Guarda, con <b>PROHIBICIÓN</b> de paradas.</p>										
OITAVA					ORDE DE SAÍDA					
<p>A orde de saída dos participantes, debidamente inscritos, asignarase mediante sorteo público, que se realizará o mércores 7 de febreiro ás 20:00h no Salón de Sesións do Concello de Tui. Ao mesmo deberá asistir obrigatoriamente un representante, maior de idade, por cada inscrición realizada, outorgándolle un número que deberá levar cada participante nun lugar visible, tanto no Desfile – Concurso, como no Enterro do Bacallau, respectando a seguinte orde de saída:</p> <p>1º: comparsas de fantasía - 2º comparsas sen acompañamento musical - 3º comparsas con acompañamento musical - 4º: comparsas sen carroza - 5º: grupos</p> <p>Ao remate do sorteo será o momento de realizar trocos entre números de participación dentro destes criterios de orde mencionados, segundo aprobación da organización.</p>										
NOVENA					ENTERRO DO BACALLAU					
<p>Os premios do Desfile – Concurso e as cantidades fixas por participación serán aboadas sempre e cando o 50% dos participantes das comparsas no desfile, asistan ao Enterro, de rigoroso loito, perfectamente identificados e acompañados por tódolos músicos participantes no desfile.</p> <p>O Enterro do Bacallau celebrarase o domingo 18 de febreiro, saíndo ás 19:30h dende a Praza de San Fernando, para percorrer as rúas Seixas, Porta da Pía, Ordoñez, Corredoira, con parada no Cantón de Diómedes para realizar o funeral, lendo ou cantando as coplas (3 persoas e 5 minutos máximo, a cara descuberta) ao finado Bacallau, tanto os grupos ou comparsa que así o desexen (entregar copia previa no rexistro de entrada o martes 13 de febreiro de 09h a 14h e serán lidas por orde de rexistro), seguindo pola rúa Augusto G. Besada, Rúa Ourense e Aparcamento Municipal, onde será a cerimonia do enterro mediante incineración.</p> <p>Os gañadores do premio xeral serán os portadores do Bacallau, os gañadores en a. musical farán a escolta musical, e os gañadores en carroza fabricarán o bacallau.</p>										
DÉCIMA					COMUNICACIÓN					
<p>Estas Bases entraran en vigor o día seguinte da súa publicación no B.O.P (Boletín Oficial da Provincia), unha vez rexistradas na Base de Datos Nacional de Subvencións. Estarán a dispor dos interesados, xuntos os modelos de inscricións, e outros anexos solicitado, na páxina web <a href="http://www.concellotui.org">www.concellotui.org</a>, no taboleiro de información do Concello de Tui e no departamento de Cultura. Tamén serán difundidas a través da Radio Municipal de Tui e en diferentes medios de comunicación e redes sociais.</p>										